

**Oqaasiliortut ataatsimiinnerannit
pingasunngorneq apriliip 27-anni 2011, nal. 12.00
Ilimmarfimmi / Oqaasileriffimmi imaqarniliat**

Peqataasut: Carl Chr. Olsen, Lotte Holm, Johannes Jerimiassen.

Peqataangitsut: Eva Møller Thomassen, Stephen Heilmann.

Oqaluuserisat:

1. **Tikilluaqqusineq** aamma **ilisimatitsissutit**

Siulittaasoq tikilluaqqusivoq. Ilisimatitsissutigaa aasaru Ilulissani Oqaasiliortut qaaqqusisoralugit Ilulissani aggustip 22-anniit 26-annut Nordens Sprogråd ataatsimiissammat Hotel Arcticimi. Ineqarfissat tassaassapput Hotel Hvide Falk aamma Icefiord. Kultureqarnermut naalakkersuisup ammaalluni oqalugiarnissaa qulakkeerpeqarpoq.

Ippassaq ataasimiinnermi Naalakkersuisut attaveqaatitigut ingerlaarneq pillugu nalunaarutaata kalaallisunngornera nassiunneqareerpoq.

Ullumikkut ataatsimiinnissaq piffissakkut killeqarmat eqqartugassat angumerisinnaasat sammineqassapput. Eqqartugassat sinneri tulliani ataatsimiinnissami eqqartorneqarumaartut siulittaasoq unnerpoq.

2. Kingullermik ataatsimiinnermit **imaqarniliap akuerineqarnera**

Akuerineqarpoq.

3. **Forbehold** aamma **forbeholdt** kalaallisut.

Forbehold kalaallisut ima taaguuteqassasoq aalajangerneqarpoq:

Kisiannertalimmik akuersineq.

Forbeholdt kalaallisut ima taaguuteqassasoq aalajangerneqarpoq:

xx-ginnarnit/-mit atugassiaq

4. **Ilumuussuseq/sallusuisuseq** aamma **kanngusunneq.**

Tulliani ataatsimiinnissamut kinguartinneqarpoq.

5. **Skærtorsdag** aamma **Langfredag** kalaallisut.

Siulittaasup apriiip 19-anni e-mailikkut akissusiaa naapertorlugu taaguutit qangaanit pioreersut atorpeqartullu uku attatiinnarneqassasut aalajangerneqarpoq:

Sisamannortoq Illernartoq aamma

Tallimannortoq Tannaartoq.

6. **Det Økologiske Råd**, DMU's Afd. Arktisk Miljø, Forskningsrådet kalaallisut.

Tulliani ataatsimiinnissamut kinguartinneqarpoq.

7. **Sociale medier** kalaallisut.

Tulliani ataatsimiinnissamut kinguartinneqarpoq.

8. **Inuup uummataata immikkoortuisa taaguutai** kalaallisut

Tulliani ataatsimiinnissamut kinguartinneqarpoq.

9. **Dysleksi** kalaallisut

Tulliani ataatsimiinnissamut kinguartinneqarpoq.

10. **Vi udfører alt i el** kalaallisut

Tulliani ataatsimiinnissamut kinguartinneqarpoq.

11. **Allat**

Porno kalaallisut

Saaffiginnittoq akissutisiaminut qisuariaateqarpoq erseqqissaatigalugu oqaatsimi tassani atoqatigiinneq kisimi pineqanngimmat, kinguaassiutit aamma ilanngunneqartariaqartut.

Oqaasiliortut aalajangerput oqaatsip porno(grafi)-p saniatigut kalaallisut ima nassuiaat atorpeqarsinnaasoq:

Kinguaassiutitik atoqateqartarnernillu takutissuineq.

Tulliani ataatsimiinnissaq pissaaq **maajip 17-anni, nal. 10.00**

Inussiarnersumik inuulluaqqusilluta

Carl Chr. Olsen
Siulittaasoq

Nuka Møller
Allatsi